



Incö dumënia ai 13 de aurì éi gnü sughé le derby ladin danter la squadra da La Val y le Rina. Le ciamp da jüch é in chësc iad stè chël da Rina, daulache al é rové adalerch n grüm de jënt a de sostëgn a sōa squadra. Le derby ti é in chësc iad jü al Rina, che à albü la miù sön la squadra da La Val cun le resultat de 1 a 0.

N derby dër sinti, deplö ciamò sce les squadre che se mosöra é a cé dla tlassfica. Da recordè che le resultat dl'andata é jü fora in parité cun le resultat de 1 a 1. Na partida dër aspetada ince da pert di sostenidûs dles squadre, che é rovà adalerch cotan

ć
a fa da cornisc al ev
ë
nt.

La determinaziun di sogadûs a portè a cíasa la devènta é grana y porchêl ne pol nia falè la mascima concentraziun y la luziditè pro na te partida. Apèna che la partida mètes man pon atira notè che chëstes dôes carateristiches ne fala nia, vigni pal vëgn atachè, concuistè y scariché bun.

I sogadûs da La Val tègn bun la posiziun y é bugn de antizipé i atacanc dl Rina che se fej plö iadi prigorusc. Dui iadi ti é gnü conzedü al atach dl Rina de trà dal limit dl'area, mo le portier Lukas à tres architè sò le pal. La defenjiun da La Val fej n gran laûr, i dui terzini fej bela parüda cun de bì antizipi y cun le recuper de vigni pal ciari de fa pié ia indô l'aziun. I atacanc da La Val é bugn de tignì sò le pal y de le partì fora sön les fascas mo da alzè fora ocagiuns prigoroses ne é nia. De beles combinaziuns y aziuns ne vëighen nia te chësta pröma pèrt dla partida, i sogadûs combat sön vigni pal por le concuistè mo à spo difficultè a impostè le jüch y le ultim pasaje por rovè te porta ne rōia prësc mai a destinaziun. Dan la fin dl pröm tēmp é ciamò le arbiter che conzed na puniziun al limit dl'area dla squadra da La Val, do che n atacant à subì n fal da pèrt de n defensur da La Val. I sogadûs protestèia cuntra la dezijiun dl'arbiter, che n' à nia conzedü le önescmetri.



Le arbiter sciüra le pröm tēmp. I sogadûs va te cabina a palsè sön le resultat de 0 a 0.

Le secundo tēmp mēt man cun n gran druch dl Rina. Sön les trates dai cíantuns é i atacancé bindebo prigorusc mo ala fin rōia impò i defensurs da La Val sön le pal. La squadra de Floriani lascia ince udēi de beles combinaziuns cun pasaji bâsc danter i zentrocampisć y les fascas, Micky rōia plö iadi jö sön le cíantun de cíamp y mēt amez le pal, de beles ocajiuns che ne é nia gnūdes anuzades. Dal atra pêrt dl cíamp é le Rina che à na ocasiun d'ôr, l'atacant é bun de se trà da na pêrt it cuntra porta y cun na finta de superè le defensur, mo la trata bâsa vegn tignida sō dal portier Lukas. La squadra da La Val mēss plütosc aretrè a daidè defēnn y se stēnta da tignì sō le pal y da impostè indô le jüch. La nervositè cr
ë
scia y le arbiter part
ë
sc ince fora gheles a gauja de proteste.

A pūc menüć dala fin tomel spo le gol dl vantaje por le Rina. Le atacant David H. é bun de se smarchè amesa la defenjiun y le mezcíamp y vëgn insciö delizié cun n bel pasaje, al se gira cuntra porta y cun na bela trata tl set portel le Rina in vantaje. Le gol subì ti taia le giames ala squadra da La Val che mēss a vigni moda porvè de recuperè le resultat. Micky tira ince ciamò na bela trata al jôre che ne ti sciampa nia al portier dl Rina. Le assedio dla squadra da La Val a chiri le gol ti ultimi menüć ne à nia bastè, le sciür dl'arbiter ti töl la speranza de segnè. La squadra da Rina resta insciö a cé dla tlassifica cun 39 punć y la squadra da La Val al secundo post cun 34 punć.

La Val süga söa proscima partida in mercui ai 16 de auri dales 20:00 cuntra le Sexten (recuper dla partida che ess messü gni sugada ai 23 de merz).

Formaziun titolara: Lukas Eder, Egon Frenes, Alex Alton, Paolo Vallazza, Marco Castlunger, Alex Elzenbaumer, Stefan Sottara, Max Nagler, Micky Frenes, Romeo Rubatscher y Alexander Miribung.

Alenadù: Floriani Claudio

Sostituziuns:

Werner Sottara por Egon Frenes (65[^] menüt)

Adrian Miribung por Alexander Miribung (75[^] menüt)

Marco Rossini por Micky Frenes (85[^] menüt)

Por odèi i resultac dles atres partides drüca [RESULTAC](#)

